



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU IMPRENSA

Sorumutu estraordinária Konsellu Ministru loron 26 Marsu 2012

Konsellu Ministru hala'o sorumutu estraordinária ida iha segunda-feira ne'e, loron 26 fulan Marsu 2012, iha Sala Sorumutu Konsellu Ministru nian, iha Palásiu Governu, Dili, no aprova ona:

1. Rezolusaun Governu nian ne'ebé aprova Akordu Tranzasau entre Estadu Timor-Leste no Timor Telecom

Akordu Tranzasau entre Estadu Timor-Leste no Timor Telecom ne'e termina ho Kontratu Konsesau, ne'ebé asina ona hosi parte rua, iha fulan Jullu 2002, atu vigora to'o tinan 2017.

Akordu Tranzasau, ne'ebé hetan aprovasau hosi Konsellu Ministru, estabese rejime jerál úniku ida bainhira halo transferénsia rede ativu sira ba Timor Telecom, fó direitu arrendamentu balu no uzu ba rai propriedade Estadu nian no regula liu-liu atividade telekomunikasau sira ne'ebé hala'o hosi Timor Telecom, iha kontestu reforma nian iha setór telekomunikasau sira, tuir hatuur ona iha Polítika Nasionál Telekomunikasau Timor-Leste nian no iha Dekretu-Lei ne'ebé liberaliza telekomunikasau sira. Governu bele hala'o kualkér pagamentu kompensasau ho osan ba Timor Telecom, hodi simu, uluk, empreza nia propriedade husi nia ativu telekomunikasau sira.

Ne'e hanesan Akordu ida ekilibradu ne'ebé limita risku ba parte rua hotu hodi fó oportunidade ba Estadu atu hetan lukru liuhosi kreximentu fiskál no asionista.

Akordu Tranzasau entre Estadu no Timor Telecom sei asina iha loron 27 fulan Marsu 2012, iha Sala Sorumutu Konsellu Ministru nian, oras 8:30.